

Prilika za pokretanje i širenje biznisa



Stari Grad: Nudi mogućnost zakupa 15 poslovnih prostora

Općina Stari Grad Sarajevo nudi poslovne prostore

Osim toga, Općina Stari Grad Sarajevo traži kandidata za poziciju zamjenika pravobranioca

Općina Stari Grad Sarajevo otvorila je mogućnosti za građane i poslovne subjekte kroz inicijativu koja uključuje dodjelu u zakup 15 poslovnih prostora. Ovi prostori, smješteni u različitim dijelovima općine, nude priliku za pokretanje i širenje

poslovnih aktivnosti, doprinoseći tako lokalnom razvoju i ekonomskoj stabilnosti.

Osim toga, Općina Stari Grad Sarajevo traži kandidata za poziciju zamjenika pravobranioca. Ova važna funkcija zahtijeva pravnu stručnost i odgo-

vornost u pružanju pravnih savjeta i zastupanju interesa općine.

Za dodatne informacije o najmu poslovnih prostora i prijavi za poziciju zamjenika pravobranioca, posjetite službenu web stranicu Općine Stari Grad Sarajevo.

Kantonalno ministarstvo upozorava



Polen ambrozije: Očekuje se povećanje

Doći će do povećanja polena ambrozije

Prema trenutnoj situaciji, polen drveća i trava se blago smanjuje

Tokom avgusta se očekuje pojava polena visokoalergene biljke ambrozije.

Zbog toga bi, kako stručnjaci upozoravaju, osobe sa sezonskim alergijama, poput sezonskog rinitisa ili alergijske astme mogle očekivati pogoršanje simptoma.

Prema trenutnoj situaciji, polen drveća i trava se blago smanjuje, a polen

korovskih biljaka se lagano povećava.

Inače, povećana koncentracija polena usljed ekstremnih vremenskih uslova izaziva intenzivne alergijske reakcije, koje uključuju kašalj, kihanje, svrab očiju i otežano disanje.

Ovo je navedeno u izvještaju Centra za ekologiju i prirodne resurse, koje je dobilo Ministarstvo komunalne privrede, infras-

strukture, prostornog uređenja, građenja i zaštite okoliša Kantona Sarajevo.

S ciljem što bolje zaštite izuzetno je važno osigurati odgovarajuću odjeću, ali i unos dovoljne količine tečnosti.

Iz Centra apeluju na nadležne da na vrijeme započnu uklanjanje ambrozije s neuređenih površina te spriječe njeno širenje i polinaciju.

REKORDNA GODINA Priče sa sarajevskih ulica

Baščaršija, pla osvajaju oko, src

Spoj različitih ljudi i kultura jako je lijep, objasnili su posjetioci

Sarajevo je prepoznatljivo po svojoj dugogodišnjoj tradiciji, kulturi i različitostima. Upravo to doprinosi turizmu grada i posjećenosti. Tako se na ulicama grada mogu vidje-

ti brojni turisti iz svih dijelova svijeta koji ne kriju oduševljenje glavnim gradom BiH.

Ekipe „Avaza“ provjerila je kakvo mišljenje imaju o Sarajevu, šta ih najviše

zanimaju te kakav utisak su stekli o glavnom gradu tokom svoje posjete.

Spoj kultura

S obzirom na to da je Sarajevo historijski iznimno bogat grad, što se vidi po različitim gradnjama koje to i svjedoče, turistima upravo pažnju privlači spoj različitih znamenitosti. Osim sadržaja koji se može pronaći u centru grada, turiste, također, tradicionalno oduševljavaju okolne planine i druge prirodne znamenitosti u okolini Sarajeva. Turist iz Španije nije krio oduševljenje gradom, ali je istakao kako za vrijeme svoje posjete planira istražiti i sarajevske planine.

- Mnogo mi se sviđa Sarajevo. Najviše mi se dopao stari dio Sarajeva, tačnije Stari Grad. Sada istražujemo grad, džamije, crkve. Spoj različitih ljudi i kultura jako je lijep. Volio bih još posjetiti planine i restorane na planinama - rekao nam je oduševljeni posjetilac iz



Oduševljeni čevapima

Osjećaj dobrodošlice

Za kraj, posjetioci grada otkrili su kako ih je najviše iznenadila toplina ljudi i osjećaj dobrodošlice koji su osjetili tokom svog boravka. Kako nekada nije jednostavno

pronaći sve što žele posjetiti, pomoć građana od velikog je značaja.

- Najviše mi se sviđaju ljudi, vole pomoći za šta god pitamo - zaključila je jedna od turistice iz Srbije.



Šetnja gradom



Obilazak grada

U OJ Dom zdr

Dispanzeri za predškolsku djecu

Bit će poboljšana dinamika rada ove službe

Dispanzeri za predškolsku djecu u JU Dom zdravlja Kantona Sarajevo od 4. avgusta nedjeljom i praznicima pružat će zdravstvene usluge u OJ Dom zdravlja Novi Grad, u dvosmjenskim dežurama od osam do 18 sati.

Na ovaj način JU Dom zdravlja KS želi optimizirati pružanje usluge Dis-

panzera za predškolsku djecu, naročito u ljetnim mjesecima.

Centraliziranim pružanjem zdravstvenih usluga, nedjeljom i praznicima u OJ Dom zdravlja Novi Grad bit će poboljšana dinamika rada ove službe u okviru redovnog radnog vremena koji se odnosi na druge radne da-

ne u sedmici.

Spomenuta reorganizacija rada Dispanzera za predškolsku djecu koja se odnosi na nedjelju i praznike na snazi je do daljnjeg, a realizirana je nakon dobivenih saglasnosti od Ministarstva zdravstva KS, saopćeno je iz Službe za odnose s javnošću JU Dom zdravlja KS.